

Go tlhalosa go gololwa ga dishere tsa gago mo Thusano Trust

Nka lebelela go bona madi a a kana kang fa ke rekisa dishere tsa me?



Fa o tlhopha gore o batla gore o duelwe dishere tsa gago, dituelo tsa gago di tla balwa ka tsela eno.

(Gakologelwa gore moamogeladituelo mongwe le mongwe o na le palo e sele ya dishere, go ya ka gore ba na le lobaka lo lo kana kang ba berekela Gold Fields ka 1 Sedimonthole 2010.)

LEKGETHO

Tsweetswee ela tlhoko gore ka molao, lekgetho le tlele go gogwa mo mading a o tshwanetseng go a newa, pele ga o a newa. Lekgetho leno le tla newa ba Ditirelo Tsa Lekgetho Tsa Aforika Borwa (South African Revenue Services [SARS]) mme o tla amogela setifikeite tsa lekgetho se se bontshang gore le duetswe.

Gakologelwa gore madi a lekgetho a a tlileng go gogwa pele ga o newa madi a gago a tla laolwa ke kaelo e e tswang kwa SARS. Madi ano ga a na a tswana mo go botlhe ba ba tshwanetseng go duelwa madi.

DITUELO

Fa o rekisa kgotsa o romela dishere kwa moemeding, go na le ditshenyegelo dingwe tsa kwa ofising tse di tshwanetseng go duelwa. Madi ano a akaretsa madi a dithekiso, madi le dituelo tsa moemedi, le madi a lekgetho (value added tax [VAT]).

Sekai 1

A re dirise sekai sa ga Isake. Isake o bereketse Gold Fields lobaka lwa ngwaga o le mongwe fa Thusano Trust e ne e simololwa.

Isake o ne a newa dishere di le 86 mo Gold Fields. Ka 2012, Isake o ne a newa palo e e tshwanang ya dishere, di le 86, mo Sibanye-Stillwater fa Gold Fields e ne e rekisetsa Sibanye-Stillwater bontsi jwa meepo ya bone. Ka 2019, Sibanye-Stillwater, ka ntlha ya dilo dingwe tse di neng di direga mo kgwebong, e ne e neile batho ba ba amogelang dituelo tsa Thusano Trust, le fano go ikaegile ka gore ba na le lobaka lo lo kana kang ba direla Gold Fields. Mo kgannyeng ya ga Isake, seno se ne se raya dishere tse dingwe di le 36 mo Sibanye-Stillwater.



Ka gone, ka nako ya go ntshiwa ga dishere, ka 1 Sedimonthole 2025, Isake o na le:

Dishere di le **86** mo Gold Fields
 $86 + 36 =$ dishere di le **122** mo
 Sibanye-Stillwater

Jaanong Isake o batla go itse gore seno se raya gore o na le bokae.

Ela tlhoko:

- Boleng jwa dishere tsa Gold Fields ga bo tshwane le boleng jwa dishere tsa Sibanye-Stillwater. Ke ditlamo tse pedi tse di sa tshwaneng mme di na le ditlhwatlhwa tse pedi tse di sa tshwaneng tsa dishere.

- Tlhwatlhwa ya dishere e a fetofetoga nako le nako. Di kgona go ya kwa godimo kgotsa kwa tlase, ka dinako tse dingwe e le ka dipalo tse dikgolo thata. Johannesburg Stock Exchange e a tlhalosa letsatsi le letsatsi gore beng ba dishere ba tla bona bokae fa ba rekisa dishere tsa bone.

Ka sekai, mo mosong wa 23 Lwetse 2025:

- Dishere tsa Gold Field e ne e le R730 shere nngwe le nngwe
- Dishere tsa Sibanye-Stillwater e ne e le R43 shere nngwe le nngwe.

Dishere tsa ga Isake ke bokae he?

Gold Fields	86 (dishere) x R730 (tlhwatlhwa ya dishere)	R62 789
Sibanye-Stillwater	122 (dishere) x R43 (tlhwatlhwa ya dishere)	R5 246
Boleng jwa dishere tsotlhe fa di kopane		R68 035

Fa re tsaya gore palogare ya ditlhwatlhwa tsa dishere ka nako ya fa di rekisiwa e ne e le jaaka fa re e bone fa godimo, he, Isake o ne a tla bo a tshwanelwa ke go bona **R68 035** go bo go ntshiwa madi a lekgetho.

Dituelo e ka nna bokae fa ke newa madi kgotsa fa a romelwa kwa moemeding?

Bontsi jwa dituediso tseno ke diperesente tse di rileng tsa selekanyo sa dishere tse di rekisiwang kgotsa tse di romelwang kwa moemeding. Mo go rayang gore madi ano ga a na go tswana mo tuelong nngwe le nngwe kgotsa thomelo ya dishere kwa moemeding.

- Dituelo tsa moemedi (0.35%)
- Dituelo tsa Strate (0.006018%)
- VAT (15%)

Fa re dirisa sekai sa rona, dituelo tse di newang Isaac e ne e tla nna o e ka nnang **R291**.

Go tlhalosa go gololwa ga dishere tsa gago mo Thusano Trust

Sekai 2

A re bontshe sekai sa yo mongwe, Sandile, yo o bereketseng Gold Fields lobaka lwa dingwaga di le 21 fa Thusano Trust e ne e simololwa.

Sandile o ne a newa dishere di le 521 mo Gold Fields. Ka 2012, Sandile o ne a newa palo e e tshwanang ya dishere, di le 521, mo Sibanye-Stillwater fa Gold Fields e ne e rekisetsa Sibanye-Stillwater bontsi jwa meepo ya bone. Ka 2019, Sibanye-Stillwater, ka ntlha ya dilo dingwe tse di neng di direga mo kgwebong, e ne e neile batho ba ba amogelang dituelo tsa Thusano Trust, le fano go ikaegile ka gore ba na le lobaka lo lo kana kang ba direla Gold Fields. Mo kgannyeng ya ga Sandile, seno se ne se raya dishere tse dingwe di le 219 mo Sibanye-Stillwater.



Ka gone, ka nako ya go ntshiwa ga dishere, ka 1 Sedimonthole 2025, Sandile o na le:

Dishere di le **521** mo Gold Fields

$521 + 219 =$ dishere di le **740** mo Sibanye-Stillwater

Jaanong Sandile o batla go itse gore seno se raya gore o na le bokae.

Fa re dirisa sekai se se tshwanang sa ditlhwatlhwa tsa dishere mo mosong wa 23 Lwetse 2025:

- Dishere tsa Gold Field e ne e le R730 shere nngwe le nngwe
- Dishere tsa Sibanye-Stillwater e ne e le R43 shere nngwe le nngwe.

Dishere tsa ga Sandile ke bokae he?

Gold Fields	521 (dishere) x R730 (tlhwatlhwa ya dishere)	R380 330
Sibanye-Stillwater	740 (dishere) x R43 (tlhwatlhwa ya dishere)	R31 820
Boleng jwa dishere tsotlhe fa di kopane		R411 853

Fa re tsaya gore palogare ya ditlhwatlhwa tsa dishere ka nako ya fa di rekisiwa e ne e le jaaka fa re e bone fa godimo, he, Sandile o ne a tla bo a tshwanelwa ke go bona **R411 853** go bo go ntshiwa madi a lekgetho.

Dituelo e ka nna bokae fa ke newa madi kgotsa fa a romelwa kwa moemeding?

Bontsi jwa dituediso tseno ke diperesente tse di rileng tsa selekanyo sa dishere tse di rekisiwang kgotsa tse di romelwang kwa moemeding. Mo go rayang gore madi ano ga a na go tshwana mo tuelong nngwe le nngwe kgotsa thomelo ya dishere kwa moemeding.

- Dituelo tsa moemedi (0.35%)
- Dituelo tsa Strate (0.006018%)
- VAT (15%)

Fa re dirisa sekai sa rona, dituelo tse di newang Sandile e ne e tla nna o e ka nnang **R1 695**.



Dikai tse pedi tseno di ne tsa dirisiwa go bontsha tsela ya go bala madi a go ka diregang gore a ntshiwe go dirisiwa palo e e kwa godimo le e e kwa tlase ya dishere a a neilweng ba ba tshwanetseng go newa madi.

Lefa go ntse jalo – gakologelwa gore go ne go dirisiwa fela dikai tsa ditlhwatlhwa tsa dishere tsa letsatsi le le rileng. Ditlhwatlhwa tseno di ka ya kwa godimo kgotsa tsa ya kwa tlase, mo gongwe di fetoga jalo ka selekanyo se se kwa godimo thata, ka gone nako fela e re tla itseng gore go amogetswe bokae mo dishereng ke morago fa kgwebo ya dishere e se na go khutla kwa bofelong jwa Tlhakole 2026.